

تاریخ وادستات

جلد ۱ : ۱۳۳۶

محمد علی

ملک و ملت نافع ، تاریخ ، ادبیات ، فنون ، اقتصادیات و شئون ساثرمیه متعلق
مباحث مفیدہ فی حاوی مجموعہ شہریہ در

نوشتمہ نیک مندرجہ ہائی :

سوکیلی پادشاہمز سلطان محمد وحیدالدین خان افندہ منہ حضرتلرینک جلوس
ہایونلری تاریخہ .

قانونی سلطان سلیمان خان حضرتلرینک غزل ملوکاتہ لری .
فخرالمخدرات عادلہ سلطان بنت سلطان محمود خان ثانی حضرتلرینک ایکی عدد
نظیرہ بلاغت آرا لری .

مشارالہا حضرتلرینک (تحسیرنامہ) عنوانلی منظومہ غرا لری .
تاریخ عثمانی انجمنی رئیس عبدالرحمن شرف بک افندی حضرتلرینک تحریراتی وجوابی .
تورک اوجاغی مرکز عمومیسسی ادارہ رئیس حمداللہ صبحی بک افندی نیک
التفاتنامہ لریلہ جوابی .

رفیق خالد بکہ اخطار .

خاطرات - لوحہ نظائر : غزل فضولی - نظیرہ امیری - دیگر نظیرہ امیری -
نظیرہ محی - دیگر لوحہ نظائر : غزل امیری - نظیرہ محی .

ناشری

علی امیری

اوقاف اسلامیہ مطبعہ سی

نارخینک ۵۵۱ و ۵۷۱ نجی صحیفه‌لری مندرج‌اننده عثمان بکک تاریخ ولادتى حقنده برتضاد کورلمکده در .

کتابک دیباجه‌سنده بیان اولدینی اوزره « مورخینک مختلف روایتلرینه تصادف اولندفده علی طریق المحاکمه حخته اقرب اولانی ترجیح ایتمکه برابر اختلافات واقعیه دخی حاشیه طرزنده عیناً ایراد ایتمکی » انجمن اسول اتخاذ ایلدیکندن ۵۵۱ نجی صحیفه‌ده « دیگر بر روایت کوره » دیو باشلایان فقره بر قول مجرد وضعیف اولدینی حالد بهض مورخار علاوة صحیفه تذکارایلمکله ججهتله انجمنجه دخی معلومات قبلندن وحاشیه نوعندن اولهرق درج ایدلشدر . ۵۷۱ نجی صحیفه‌ده ایسه جمهور مورخینک قول مختاری ذکر ایدلش و عثمان غازی‌نک تاریخ ولادتى ۶۵۶ سنه‌سی اولهرق قبول اولندقدن صکره زیرنده کی نوطه‌ده ۶۵۰ و ۶۵۲ و ۶۵۷ سنه‌لرینی کوسترن مورخار اولدینی دخی تصریح وعلاوه فلنشدر . وپو وسیله ایله دخی عرض وتأیید احترام ایلرم افندم حضرتلری ۲۲ حزیران ۱۳۳۴

عبدالرحمن شرف

جوانی

ذات عالیاری کبی برمورخ شهر و بر فاضل عالی سمیره تعظیم و حرمت هر زمان باقی و پایدار اولدینی وجدان سامیلریده تصدیق ایدر . لکن بوجوابک استفسار کترانده هیچ بر تعلق اولدینی مستغنی ایضاحدر . چونکه بن عثمان غازی‌نک تاریخ ولادتى حقنده برسؤالده بولندم . بنم سؤال : مؤسس مشارایه حضرتلرینک تولدی ۶۵۶ سنه‌سنده اولدینی حالد اونندن بش التی بطن یوقاریده اجدادندن کوسترین قبقبالبک ینت اوسته‌ده انقاره جوارینه کتیرلسی وبوذاتک یعنی قبقبالبک واوغلنک واحفادینک جمله سنک بری بری اردنجه رئیس عشرت اوللرینک ووفات ایتارینک ینت اوسته ایچنده وقوع بولسی ولوکه برضعیف روایت صورتیه اولسون نصل بر اولچو ایله اولچولدکن صکره درج صحیفه‌تذکار ایدلکی استفسارندن عبارتدر

چونکه عثمان غازی حضرتلرینک تولدی ۶۵۶ اولونجه بش التی بطن یوقاریده بولنان قبقبالبک اونندن بر عصر وبلکه ابکی عصر اول کلش بولنسی ایجاب ایدردی .

یازیلان تاریخ عثمانی ، ازمنه قبل التاریخه عائد اولدینی انچون البته معقولاته توافقی ایتسی لازمکیر . عجبا طی سنین وازمان حقنده یکی بر قاعده‌می کشف وایجاد بیورلدی ، دبه شو مناظر غریبه قارشوسندم متحیر قاهره واسطه

عليه لريله تاريخك محرر لرندن سؤاله مجبور اولمشدم و برده بش التي بطني برسنه
ايچنه صنفدرمق خارقه سي بيان بيورد قلري وجهله حاشيه نوغندن اوليوب متن
تاريخده در ويالكز حاشيه اوله رق بيوريده يوركه « انقره ولايتنده بك پازاري
قصبه سنه اوچ ساعت مسافه ده قزل سراي نام قريه ده جد آل عثمان اولق
اوزره معروف اوله رق الائن كوندز البك مدفتي موجود در. انقره سالنامه سي
سنه ۱۳۱۸ - ص ۱۴۳ اشبو قبرك تحقيق ضمننده انجمن انقره ولايتيله
مخابراتده بولنش ايسه ده تشفيه صدر ايدده جك برنتيجه الده ايديله مامشدر . »
عجا بوعباره عثمانلي تاريخنه مي درج اولمق يوقسه انقره ولايتنه تبليغات
اكيدده اجراسي ايچون باب عاليه يازلمق، انجام ايدردى حتى باب عاليه يازلمق
برابر بك پازاري وانقره در سعادت هندستان ويا خود خوارزم ممالكي كي
اوزاق بر ير اولديغندن تاريخ يازان بكاردن برى كيدوب تدقيقات اجرا
ايدده مرمى ايدى .

اكر يازيله جق معظم بر تاريخ عثمانى ايچون مهم و اطرافلى تدقيقات اجراسنه
حكومت سنيه جه الزميت كورلامش اولسیدی بر انجمن تاريخ تشكيله نه لزوم
واردى .

ينه تکرار ايدرمكه مقصدم ذات فضائل شعاريلرينه اعتراض دكلدر. سز
هر زمان شايان تعظيم و حرمت بر اديب لیب حيتمندسکز .
ذاتاً (تاريخ وادبيات) مجموعه سنك دهها برنجي نسخه سنده .

« يازق كه بزده اوروپا نك متين و حيتلى ارباب اختصاصى كي حقيقي علوم
وفنون اوغرنده فداي نفس ايدده جك صورتده صبر و تحمل ايله چالشمقندن
ذوق آلير كزیده سيمالر — بعض ذوات مستثنا اولق اوزره — هنوز
يتشمدى . يورولمق سز اين ايش كورماك خطا آلود ، زهرناك بر مسلك
اولدني تقدير اولمدي . حالبوكه بتون مسائل اجتماعيه من ايچون حائز اولديغمز
فطري ذكامري نعمت غيرت و نور همتا تزيين ايدده جك زمره لر دن مرتب
چالشتان انجمنلره و يورولق بيلمين فرق لر دن مركب قوميسيونلره پك بيوك
ولك عاجل احتياجز وارد در .

شايان تقدير عظيمدر كه حكومت سنيه من مقاصد علويه تعقيبيله مهم
قوميسيونلر تشكيل ايلك خصوصنده عييج بروقتده دريغ همت ايتيور و صرف
نقود غيرتدن كيرو طور ميور « ديمشدم .

وينه اونسخه ده :

« بر آدم ظهور ايتسه ده بزده شمدي به قدر نه قدر انجمنلره قوميسيونلر
آچيلدي ، قاپاندي ايچون اكمل وظيفه ايتمه دن قاپاندي قاپانا جقه ايچون اچيلدي

وقایع آنرا در نه ایش کوریورلر و شاید ایش کورنلری وار ایسه باری هر سینه نهایتنده اولسون چون غزتهلر واسطه سیله انظار ملتیه عرض معلومات ایتورلر. یومی غزتهلری تعقیب ایدرک بونلرک برلیسته سنی نشر ایتسه ده ایقاظ وانتباعی موجب اوله رق باری شوقیه میدانه حقیقه :

هر حرامکمی کچی بر سگری اولسته یدی اکر
اول زمان معلوم اولودی مست کیم هشیارکیم
سوزلرینی درج ایلشدم .

و کذاک اقدام غزته سنک ۷۵۲۰ نومرو و ۲۱ کانون ثانی سنه ۱۳۳۴
تاریخی نسخه سنده کتابلر ضایعانی عنوانیله یازدیم مقاله ده دخی شو عباره
موجود ایدی .

« جهان تاریخک پای تخت عرفانده او یله اقتدار واختصاص ایله مزین
شهرامینلری بولمیدرک اونک مآثر عرفان و ذکاسیله معرفت سوقاقلری شععه
تنویرات وصنعت ساحه لری انوار تطهیرات ایله منور اولمیدر. کمالات جاده لری
کیجه لری ظلمت جهالت و کوندزلری کرداب سفالت ایچنده قالدیجه و بوکا مقابل
سفاهت محیطنک بیوک آطه لری و مشیمه غرابنک بک اوغللری انظار اشتباهی
تزیین ایله کجه نه دارالملک معرفتده حضور و راحت ونه ده برعالم حقیق قدر
مکمل بر تاریخ یازسه اونک مطالعه سیله تنویر ابصار انصاف ایده جک اهل
بصیرت بولنور . زیرا کوزینه سیاه جامدن کوزلاک طاقانلر کونده بیک آفتاب
جهانتاب طاوغ ایتسه ینه ظلمتدن بشقه برشی کوره مزلر .

ظهور فیضناک مشروطیتدن بری اجرتلی اجرتسز برچوق فنی انجمنلر
علمی قومیسونلر تشکل ایتدی . خاطرمدده قالدیغه کوره معاش موظفلرندن
بشقه هراجمعی برلیره یه اولق اوزره اصطلاحات انجمنی . املا انجمنی ، لسان
انجمنی ، لغت انجمنی بوقییل انجمنلردندر [۱] عجا شمدی یه قدر نه نتیجه حاصل
اولدی .

« بزقرون وسطائی برحالدیه بزده تاریخ دکل (قناوا) بیله یاپیله مز »
دیمکدن ایسه لطفاً بوانجمنلرک نه یانمده اولدیغنه دائر ایضاحات مکمله ومفتخره
ویروب هم بزی و عهده عموم ملتی خبردار و کوردکلری مهم خدمات نسبتنده
بزی کندیلرینه منتدار وشکر گذار ایتسه اولزمی ؛ دیمشدم . و اوچ سنه اقدام
طبع ایتدردیکم (ازهار حقیقت) رساله سنده :

« برکونلاک کچن عمر آز برشمیدر باشمز اوستنده برخورشید جهانتاب »

[۱] حقیقه بر مقصد علوی ایله تشکیل اولمش اولان آثار اسلامییه و ملییه
انجمنی دد او تمیه لم .

مشرقدن مغربه جولان . زیر پایتزرده بر کرځه ارض دوران ایتدی . شو قدر مساعد برمدت اینچنده وطننه برخیرلی ایش . و ابنای جنسنه بر منفعتی خدمت کورمه یی آدم بدبختدر سایه فیض شمیدده او یله ارباب اختصاصدن واردرکه الی سنه لک تدقیقات و تجربه قوتیله سویلیوزمکه حتی غرب قاشندن اعلا افشه تاریخیه طوقویه بیایر لر »

عباره سنی یازمشدم . بودعوای اثباته دلیل ینه انجمن عالیدریدر چونکه اعضاسنک جمله سیده مقتدر و فاضل ذاتلردر .

بوانجمن عالی نك بااراده سنیه رونقبخش موقع تشکلی اولسی سکیز سنه یی کپدی . اگر تقسیم مساعی صورتیله هر زمانه مناسب قسمت تحریری برذاته تودیع اولونسه یدی . شو سکیز سنه ظرفنده مکمل بر تاریخ عثمانی اکال ایدلمش بولنور و جنتمکان خاقان سابق حضر تاریده آچمش اولدینی بو شاهانه و وطن نوازانه مسلك قیمتدارک نتیجه مفتخره سنی مشاعده و اقتطاف صورتیله خرامان جانب فردوس اعلا بولنش اولوردی .

تقسیم مساعی اصولنه رعایت اولنماقلا برابر امور معظمه تاریخ کندیلرینه تودیع اولنان ذاتلر اهمیت تودی بی حسن تاق و تقدیر صورتیله چالشمش اولمق لازمکسه یدی . شمیدییه قدر (حالا بومکتوب) دنیلیمیوب برخیلی مسافه قطع اولنش بولنوردی . لکن مسئله ، هم ذات دقایق پیرالرینک همده هرکس کی بو عبدعاجزک مأمولی خلافنده اوله رق بویله ظهور ایدی ویردی .

لکن پک یازیق که سکیز سنه لک پک قیمتلی مدت هدر اولوب کیتدی . کیدن عمر بردها کیری دوغمز .

علاج واقعه پیش از وقوع باید کرد

بوسوزلرم دن ارباب انصاف اولانلر کوجنامیلدر لر . بن بر فقیر باب الله اولدیم و سنده التمش کچدیکی اینچون وجدانه مخالف کوردو کم شیلری یارین حضور الهیده مسئول قالماق اینچون بلا پروا سویلرم و حکومت سنیه من اطفاف بذل مساعده بیوردینی مدتیله ده سویلیه جکم .

)) سایه فخر رسالتده و قتیله اون بش ولایتده محاسبه جیلاک ، دفتر دارلق ، متصرف و کالتلری ، مالیه مفتشکاری والی و کاتی کبی مأموریتلرله آلم اچیق و یوزم آق اوله رق بولنش و جمله مأموریتلرده عمومک مظهر تعظیم و امنیتی اولمش برعاشق وطن اولدیم اینچون حکومت سنیه من مساعده ایدرسه حقه راضی اولیان عطالت پرور واملجو حقسزلرک تفتیشاتنه رضاء لله هر زمانه منیایم .

کذاک انجمن تاریخ عثمانیه معارف نظارت جلیله سنه امریله طبی دت بنس سنه دن مقدم در عهده اولنان ونسخه سی غایت نادر بولنان صدر اسبق لطفی پاشا تاریخی طوطی اون بنس فورمه دن عبارت اولدینی حالده حالا طبی

اکمال اولنه مدی . وایکی بیک غروش معاشله سکر سنه دنبرو حافظ کتب موجود ایکن روایتله نظرأ تاریخ انجمنه عائد کتابلرک بیله بردفتری یاپلیدی و یازیله جق تاریخ ایچون شورادن بورادن کتیریلان بعض وثائق . امثالی کبی آقشاملری موقع محفوظنه نقل ایدلک لازم ایکن مسیب براغله یغندن یاندی کتیدی . وقنغیلری یاندی ونه یه داثرایدی اهمیت ویریابوب بونک بردفتری بیله یاپلیدی . الله جمله منی اصلاح ایلسون .

— — — — —

تورک اوجاغی مرکز عمومیسندن :

۱ شوال ۳۳۶ ۱۰ تموز ۳۳۴

استاد فاضل و کزیمز افندمن

بوتون بر عمر مملکتک عرفانه بخش بیوردیفکیز نهایتسز خدمتلردن ماعدا آیریجه کندی باشنه جهان دکر بر خزینه قیمتده اولان امثالسز یادکارکزی دائما منته یاد ایدن بوتون اوجاقلی اولادکیز ادراک ایتدیکیز بایرامی ذات عالی استادانه لرینه تبریک و بو وسیله ایله ده مبارک الاریکزدن جلیل و تقدیس ایله اوپرلر افندم

اداره رئیس

حمد الله صبحی

جوابی

نورعین مفخرتم افندم

قوتلی بایرامک تبریکی مناسبتیله استقبال ایچون پک امیدوار و عالی بیلدیکم تورک اوجاغی نامنه آلدیم التفاتنامه لری بنی قیمتلی سروره مستغرق ایتدی . اوجاگکزک دائما شعله نمای من و موفقیت و شجره اقبال استقبالكزک میوه دار عز و مسعدت اولسنی عز زمان خلوتس قلب ایله بارگاه احدیت رفیع و اعلا ایلمکده اولدیمسی تبریک ساءیلرینی وسیله اتخاذ ایدرک عرض ایدر . و ذات عالیلری کبی نورعیون مفخرتم اولان عموم تورک اوجاقلی قارداشلرکم سعادتلی بایراملرینی بالتقابله تبریک ایلمر افندم .

۲ شوال ۳۳۶ ۱۱ تموز ۳۳۴ ملت کتبخانه سی مؤسس و ناظری

علی امیری

